



Захиргааны хэм хэмжээний
актын улсын нэгдсэн бүртгэлд
2024 оны 09 сарын 27-ны
өдрийн 6945 дугаарт бүртгэв.

ХАРИЛЦАА ХОЛБООНЫ
ЗОХИЦУУЛАХ ХОРООНЫ
ТОГТООЛ

2024 оны 08 сарын 15 өдөр

Дугаар 170

Улаанбаатар хот

“Телевизийн өргөн нэвтрүүлгийн станцад ашиглах
радио давтамжийн зурвасын хуваарилалт, техникийн шаардлага”-ыг
шинэчлэн батлах тухай

Харилцаа холбооны тухай хуулийн 9 дүгээр зүйлийн 9.1.3 дахь заалт, Радио
долгионы тухай хуулийн 5¹ дүгээр зүйлийн 5¹.1.2 дахь заалтуудыг тус тус үндэслэн
ТОГТООХ нь:

1. “Телевизийн өргөн нэвтрүүлгийн станцад ашиглах радио давтамжийн зурвасын хуваарилалт, техникийн шаардлага”-ыг энэхүү тогтоолын хавсралт ёсоор шинэчлэн баталсугай.
2. Энэхүү тогтоол батлагдсантай холбогдуулан тус хорооны 2019 оны 42 тоот тогтоолыг хүчингүй болгосугай.
3. Тогтоолын хэрэгжилтэд хяналт тавьж ажиллахыг тус хорооны дарга /Г.Чинзориг/-д үүрэг болгосугай.

ДАРГА

Г.ЧИНЗОРИГ

ГИШҮҮД

Б.АНХБААТАР

Б.БАТЗОРИГ

Ч.ЗОЛБАЯР

А.ЛУВСАН-ОЧИР

Н.МАНДАХБААТАР

А.ҮЙЛСТӨГӨЛДӨР

Харилцаа холбооны зохицуулах хорооны
2024 оны 08 дугаар сарын 25-ны өдрийн
170 тоот тогтоолын хавсралт

**ТЕЛЕВИЗИЙН ӨРГӨН НЭВТРҮҮЛГИЙН СТАНЦАД АШИГЛАХ
РАДИО ДАВТАМЖИЙН ЗУРВАСЫН ХУВААРИЛАЛТ,
ТЕХНИКИЙН ШААРДЛАГА**

НЭГ. НИЙТЛЭГ ҮНДЭСЛЭЛ

- 1.1. Энэхүү баримт бичгийн зорилго нь телевизийн өргөн нэвтрүүлгийн нэвтрүүлэх станцад ашиглах радио давтамжийн зурвас, зурвасын хуваарилалт, техникийн шаардлагыг тодорхойлоход оршино.
- 1.2. Дэлхийн радио холбооны их хурлаас баталсан Олон улсын цахилгаан холбооны байгууллагын Радио холбооны дүрэм, түүний заалт болон Монгол Улсын "Үндэсний радио давтамжийн хуваарилалтын хүснэгт"-ийг үндэслэл болгоно.
- 1.3. Монгол Улсын Засгийн газрын 2010 оны 275 тоот тогтоолоор батлагдсан "Радио, телевизийн өргөн нэвтрүүлгийг тоон технологид шилжүүлэх үндэсний хөтөлбөр"-ийн дагуу телевизийн өргөн нэвтрүүлгийн газрын сүлжээний станцад тоон технологийг ашиглана.

ХОЁР.

ХОЛБОГДОХ ХУУЛЬ, ЭРХ ЗҮЙН БАРИМТ БИЧИГ

- 2.1. Харилцаа холбооны тухай хууль;
- 2.2. Радио долгионы тухай хууль;
- 2.3. Зөвшөөрлийн тухай хууль;
- 2.4. Өргөн нэвтрүүлгийн тухай хууль;
- 2.5. Үндэсний радио давтамжийн хуваарилалтын хүснэгт;
- 2.6. Радио төхөөрөмж ажилуулах, үйл ажиллагааг нь зогсоох, хориглох журам;
- 2.7. Радио давтамжийн ашиглалт, үйлчилгээний төлбөр тогтоох журам;
- 2.8. Радио давтамжийн ашиглалт, үйлчилгээний төлбөрийн хэмжээ.

ГУРАВ.

РАДИО ДАВТАМЖИЙН ЗУРВАСЫН ХУВААРИЛАЛТ

- 3.1. Телевизийн өргөн нэвтрүүлгийн газрын станцад радио давтамжийн 470-694 МГц-ийн зурвасыг ашиглана.
- 3.2. Телевизийн үндэсний газрын сүлжээнд 1-р хавсралтын, олон сувгийн дамжуулах үйлчилгээнд 2-р хавсралтын дагуу тус тус радио давтамжийн зурвасыг хуваарилна.

ДӨРӨВ.

ТЕХНИКИЙН ШААРДЛАГА

- 4.1. Радио давтамжийн 470-694 МГц-ийн зурваст телевизийн өргөн нэвтрүүлгийн зөөгч сувгийн техникийн нөхцөлд дараах Монгол Улсын стандартуудыг баримтална.

- 4.1.1. MNS 6400:2013 "Газрын тоон өргөн нэвтрүүлгийн DVB-T2 системийн нэвтрүүлэх төхөөрөмжид тавих техникийн шаардлага" стандарт.
- 4.1.2. MNS 6401:2013 "Тоон телевиз. Газрын тоон өргөн нэвтрүүлгийн DVB-T2 системийн хүлээн авах төхөөрөмжид тавих техникийн шаардлага" стандарт.
- 4.2. Телевизийн өргөн нэвтрүүлгийн газрын сүлжээнд олон улсын эсвэл үндэсний харилцаа холбооны тоног төхөөрөмжийн баталгаажуулалтын байгууллагаар баталгаажуулсан нэвтрүүлэх станц болон хэрэглэгчийн хүлээн авах төхөөрөмж ашиглана.
- 4.3. Телевизийн өргөн нэвтрүүлгийн газрын станцын чадал 500 Вт-аас дээш бол тухайн ашиглаж байгаа радио давтамжийн зурвасын шүүр ашиглана.
- 4.4. Телевизийн өргөн нэвтрүүлгийн газрын станцыг бусад радио холбооны үйлчилгээнд радио давтамжийн зөвшөөрөгдөөгүй харилцан нөлөөлөл үзүүлэхгүй байхаар зохион байгуулна.

ТАВ. ХЯНАЛТ БА БУСАД

- 5.1. Зохицуулах хороо болон харилцаа холбооны улсын байцаагч нь радио давтамж, радио давтамжийн зурвасын ашиглалтын байдалд холбогдох хууль, журмын дагуу хяналт тавьж хэрэгжилтийг хангана.
- 5.2. Зохицуулах хороо нь холбогдох хууль тогтоомж, үндэсний радио давтамжийн хуваарилалт, төрөөс баримтлах бодлогын чиглэл болон радио давтамжийн зурвасын дахин төлөвлөлтөөс хамааруулан энэхүү баримт бичигт тухай бүр нэмэлт, өөрчлөлт оруулж болно.

-----oOo-----

“Телевизийн өргөн нэвтрүүлгийн станцад ашиглах
радио давтамжийн зурвасын хуваарилалт,
техникийн шаардлага”-ын
1 дүгээр хавсралт

**Телевизийн үндэсний газрын сүлжээнд ашиглах
радио давтамжийн зурвасын хуваарилалт**

№	Хамрах хүрээ	Зөөгчийн дугаар	Радио давтамжийн зурвас
1	Улаанбаатар	21 22 23 24	470-478 МГц 478-486 МГц 486-494 МГц 494-502 МГц
2	Архангай Баян-Өлгий Баянхонгор Булган Говь-Алтай Дархан-Уул Дорнод Завхан Орхон Өвөрхангай Сүхбаатар Сэлэнгэ Төв Увс Ховд Хөвсгөл Хэнтий	21 22 23 24 25 26	470-478 МГц 478-486 МГц 486-494 МГц 494-502 МГц 502-510 МГц 510-518 МГц
3	Говьсүмбэр Дорноговь Дундговь Өмнөговь	25 26 27 28 29 30	502-510 МГц 510-518 МГц 518-526 МГц 526-534 МГц 534-542 МГц 542-550 МГц

-----oOo-----

“Телевизийн өргөн нэвтрүүлгийн станцад ашиглах
радио давтамжийн зурвасын хуваарилалт,
техникийн шаардлага”-ын
2 дугаар хавсралт

Олон сувгийн дамжуулах үйлчилгээнд ашиглах
радио давтамжийн зурвасын хуваарилалт

№	Радио давтамжийн зурвас (МГц)	Төвийн давтамж (МГц)	Зөөгчийн дугаар	Хамрах хүрээ
1	550-558	554	31	Улаанбаатар, аймаг, сум
2	558-566	562	32	
3	566-574	570	33	
4	574-582	578	34	
5	582-590	586	35	
6	590-598	594	36	
7	598-606	602	37	
8	606-614	610	38	
9	614-622	618	39	
10	622-630	626	40	
11	630-638	634	41	
12	638-646	642	42	
13	646-654	650	43	
14	654-662	658	44	
15	662-670	666	45	
16	670-678	674	46	
17	678-686	682	47	
18	686-694	690	48	

-----oOo-----